


滇行紀程集



真行紀程集卷上



保定府

唐以前皆分屬中山保陽等郡後唐置奉化軍宋置保塞軍後改保州元為保

定路明

為府

茶棚酒社六街塵密迤京華慣效顰殘夢不知霜滿

驛還疑紅葉御溝新

閏七月秋霜早隕

方順橋

保定南五十里屬滿城縣漢北平縣地唐曰滿城

滌河秋水古社多野店笙歌柰若何怕向朔風催去

馬朝來已別石橋河

新水至滿城為方順河漢光武破銅馬五幡於順水即此東流

全清苑為

石橋河

望都縣

漢縣金曰慶都有翟城驛

蜀黍如林走望都平疇何處見龍狐匆匆攬轡翟城

驛梅不臨泉看湧珠

龍狐慶都見吳記秦本紀蓋恆陽縣有白龍山唐縣有孤山也

志謂縣西南有沈家泉湧魚泉俱平地湧出未及訪覽

清風店 定州北四十里

館娃流盼正囊空故舊班荆又太匆無定萍蹤成一

笑朝南暮北鄭公風

順德太守鄭君春溪余姻也余自南徂北則鄭君方自保定回

郡遇於定州之北及余出都則鄭君又北上引見
遇於定州之南地名定州而兩人行蹤無定如此鄭
君素善謔仰見清風
店署字不禁狂笑

定州

古鮮虞國戰國為中山漢晉因之元魏改定州隋為博陵郡唐義武節度治此宋改

定武軍

安喜城堅沁水深武靈北伐魏南侵承平祇有中山

酒醑酊時為出塞吟

州治漢盧奴縣東有安險舊縣漢章帝改為安喜唐改盧奴入

安喜為州治明省趙武靈王滅中山遂却燕闢地千里元魏建行臺於此南牧河濟必先集中山沁水州北八里即唐縣之唐河

中山靖王冢 定州城內

中山遺冢有園林校尉何緣未摸金偏是蘭亭一片

石黃壚窮索到如今

明月店 定州南三十五里

未到雞鳴卸橐裝 雞鳴臺在店南三十里光武宿此 酒香轆釜月盈

廊金盆漸側琵琶歇但與離人照斷腸 北地酒館菜熟皆以杓擊

釜有聲

新樂縣 漢中山王母建宮於西鄉之樂里因呼西樂城譌為新樂隋因以置縣

新市渠流似織梭誰知泚 音孤 水更沙河鎮州戰壘休

憑弔茅店三家白草多 縣故漢新市縣地泚水在西南為慕容麟與拓拔珪攻戰

處沙河亦在西南郭汾陽敗史思明李存勗敗契丹皆於此冬時水涸一望平沙盛漲則渡涉六七渠通

口新樂河也

伏城驛

正定府北四十五里屬藁城縣漢縣

婦稚能知邃古年行人指點卦臺前土門灑盡常山

血荒驛無碑記醴泉

寰宇記新樂縣西有伏羲故城城中有羲臺今驛北十里有畫

卦臺顏常山開土門殺賊將何千年於醴泉驛通鑑注驛南直趙郡今無知者良可慨也

正定府

漢恆山郡以諱改常山唐曰鎮州置成德軍後唐改真定府

南來天塹是滹沱湯說陘山險要多搦得巨碑風動



四

字不知功德頌清河

行館有巨碑矗立為唐成德節度清河王德政碑蓋即李寶臣

也王士則書下半剝落土人見有風

動字但名風動碑金石萃編載之

樂城縣

關城驛晉樂書封邑

關城驛是故關城北上常山冶水橫誰識帝邦征陷

處任來殺虎林中行

縣故漢關城縣東漢改樂城冶河在城西北隅水漲入滹沱即

決溢為害殺虎林在縣北十五里唐敗突厥於此因名契丹耶律德光入汴北還卒於此以鹽實腹載之

而行人呼
為帝羝

趙州 東漢置冀州後魏為趙郡北齊為趙州隋初分樂州置

高邑中興應識謠望臺連漢鬱岌崑於今甌甌城邊

落不及洹河大石橋

光武擊破王郎於鄗明年自薊還鄗羣臣勸進因即位鄗南更

名高邑望臺在州城東南志謂耿純所築以望光武
洹河州南五里安濟橋跨其上俗呼大石橋堅固寬
廣託為
仙跡

五

栢鄉縣 隋分高邑置

白首馮唐標故里嘔心賈島說詩仙行人車殆馬煩

日一見螭跌一鞮然 有新碑題馮唐故里賈浪仙祭詩處

內邱縣 漢中邱縣隋諱忠改內邱

行潦一溝及馬腹脫駮兩岸待雞鳴方亭惟石俱無

恙陡憶前官說水畊

內邱北有沙溝夏間驟漲余以與夫頂鼻而過行李卸置岸天

明始渡館有亭石十年前與一縣令話北直水利於此

圓津菴 內邱南二十里

築室力田僧不惡同龕彌勒貌常新壁間詩筆摩挲

人茶罷依然一丈塵 菴為方慤敏公養病處有龕設主香火不斷僧以捐田自贍餘

以修葺不事諷唄詩碣滿壁茶

罷出門殆孔道中清涼世界

豫讓橋 順德北五里

義不帝秦耻遁藏復仇無計托佯狂當年易水衣冠

白何事同行召武陽

張公橋 順德西北舊為通道李克用出青山口爭邢洺必經此橋橋疑以張果得名

鴛鴦水上望仙翁山色泉聲幻化中若使河東知此

意虹橋也應避張公 鴛鴦水即百泉水在城南唐以張果游憩處名仙翁山在城西

北

順德府

古刑國秦曰信都項羽曰襄國石虎隋場皆曰襄國郡唐曰邢州亦曰鉅鹿昭

義軍分鎮於此宋宣和初為信德府元為順德府

危樓峻榭翼雕闌雨下沼磁易走九千載戰場鉅鹿

下青山襄國幾登壇

府門觀臺極雄麗鉅鹿即平鄉縣項羽破秦兵鉅鹿下即此青

山城在府西北河東朱梁爭戰處襄國石勒滅劉曜冉閔滅劉顯皆在此

沙河縣

順德南三十五里隋析襄國置沙河縣

罄口鐵官利到今鳴沙埋轍馬蹄深窻徭薄賦垂

丹詔無事倉門車輦任

罄口山在縣西南漢置鐵官今多治國朝以縣多荒沙

省徭役不置驛縣舊有倉門唐征劉黑闥於河北置倉通餽餉或云昭義軍李抱真與田悅相持置倉供

軍亦謂之倉口也

臨洺關

漢易陽縣隋改邯鄲後改臨洺宋省為鎮今置驛屬永年

邢瀆巖峙付空談剩有孤城孔道南幾度秋風催過

客木棉如雪壓征驂

廣平舊為郡國後周始置洺州至元改廣平路明為府縣產棉

花近關有搭連店

皆販布棉所集

盧生祠

邯鄲北二十里扁曰邯鄲古觀

頽盡離宮餘古栢飛過凍雨倒疎荷枕頭一夢尋常

事爭奈詩人題句多

邯鄲縣

屬廣平古趙都

八

屠蘇何處是叢臺况說溫明殿已灰行到邯山將盡

未據鞍競渡幾遲徊

縣多平屋驛尚名叢臺相傳邯鄲宮趙王如意所建光武平王

郎居邯鄲宮溫明殿也邯山名鄲盡也縣與磁州交

界處有坡陀秋水驟下深及馬腹縣南積水數里襄

涉至驛蓋卽渚沁二水

瀾湯不及入白渠耳

磁州

古邯鄲郡地後周置成安郡於此治滏陽縣隋曰慈州唐改磁州宋改磁明省縣入

州

雙流豈為陷戎馬沒髀新泥行路賒壞磴頽城何日

築西風吹倒茨菰花

州北開雙渠夾道種芰荷民以爲利城橋舊極壯麗以地震傾

地殆盡費繁

未議修築

豐樂鎮

磁州南三十里臨漳河屬安陽縣

漳渠利漕事茫茫講武城荒烟火長估客但來豐樂

鎮行人邠解愁思岡

曹魏通漳饋糧名曰利漕渠講武城在磁州南愁思岡在彰德

九

府南曹植悲吟於此故名契丹執晉少帝北還登岡飲酒因訛爲愁死岡

彰德府

河直甲居相卽此戰國爲魏之鄴地漢曰魏郡東漢徙冀州治此元魏兼置相

州石晉置彰

德軍金爲府

堪笑曹袁鬪一隅慕容石虎又爭駟三臺地盡漳流

瀉枉費儉人賦魏都

鄴城在臨漳縣西袁紹自爲冀州牧鎮此曹操拔其城建鄴都

作三臺曰銅雀曰金虎曰水井石勒使石虎攻

鄴石虎旋都焉慕容雋亦都之今俗呼鄴鎮

安陽縣

本魏新寧中邑秦曰安陽縣凡四遷周末移魏郡治此朱梁分天雄軍置昭德

節度於此

洹南蕩蕩望殷墟繞過安陽清浪徐若向魏城尋故

蹟萬金渠與千金渠

縣本朝歌地項羽與章邯盟洹水南殷墟上即此洹水經安陽

曰安陽河萬金渠在府城西引漳水溉田千金渠即唐之高平渠韓魏公疏之置水磴改曰千金其水繞

城而流

湯陰縣

湯古讀曰蕩魏使晉鄙救趙畏秦止於湯陰即此漢為縣

翩翩公子性情真袖裏金椎過蕩陰宿將持威空嘆

咄信都覆轍彼何人

郭汾陽李西平入井陘留兵戍守常山諸將懼不能守請於信

都太守烏重恩俾移據常山與晉陽相首尾重恩不從常山敗而河北悉陷王庭湊等專恣皆出於此

岳忠武王祠

來往幾番今下拜廟門石磴即天梯欲窮奸檜甘心

事南宋雜詩在浙西南宋雜事詩

蒐羅極富

蕩陰城

今縣西南有碑題
稽侍中濺血處

虎澗龍山舊有名鄴城迢遞蕩陰城侍中碧血塵香

甚散入千年湯水清

龍山汨水所出魏都
賦龍山虎澗是也

宜溝驛

湯陰南
三十里

土薄石堅渠水空秋蕎雪白豆花紅信陵疑冢寒烟

裏付與詩人屬對工

一寺僧為余言湯陰土薄三二
尺下皆白沙石故老樹甚少歛

縣曹文正公會作中州懷古詩
每云信陵疑冢天生絕對也

淇水

淇縣北
三十里

斷橋側畔一碑留亂石毀轅水自流瓠子歌時淇竹

盡出門何計寫心憂

橋甚堅土棍掘坑以困行
旅時河決中牟方議築塞

淇縣

唐宋時衛縣之鹿臺
鄉元為淇州明改縣

青巖隱者久逃形簾洞林泉路不經伐竹肆兵曾借

寇龍孫尚有數竿青

唐甄濟隱於青巖安祿山不能辟上有簾洞在縣南寇恂伐淇

園竹為矢今節中栽

細竹數竿娟娟有致

衛輝府

秦三川郡地漢河內郡魏曰朝歌郡晉曰汲郡周曰衛州元曰衛輝路明改府

城圍土塞記來時泉水秋來入故坡驀地北風千里

勁頓教滿奮畏玻璃

夏間百泉泛溢水幾入城適有客言一宦體肥畏風不能北行

新鄉縣

隋於新樂城置縣

臨清關廢五陵摧茅店傳餐飯著煤南望故城還太

息捷書曾獲呂嘉來

臨清關在縣東臨衛水隋時掘塹於此五陵岡亦在縣東獲嘉

故城在縣西南十二里漢武帝東巡至

此適滅南越獲呂嘉首以獻因置縣

鄘國

新鄉南三十里

胙城城廢黃流絕可有倉厥建御河莫道附庸疲貢

賦邨鄘久已入朝歌

明永樂中有建言開衛河距黃河百步置倉廩受東南饋運

亢村驛

新鄉南五十里屬獲嘉縣

黃河水氣逼風天傳舍打頭低似船但向館人勤問

渡不知舊是攢茅田

縣東北有茅亭周桓王以攢茅與鄭卽此

武陟縣

漢山陽縣地隋析修武縣置武陟黃河北岸屬縣有隄

候人亭下好田疇濁鹿城頭濁浪浮待到木欒尋故

十三

瀆應知沁衛不同流

晉郤至與周爭鄆田劉昫云武陟有候人亭濁鹿城漢獻帝廢

居於此卽縣治黃河隄高於縣城沁水東岸爲木欒店距衛河百里明時沁決有欲引沁入衛者科臣常

居敬言沁濁衛清必

至淤塞運道議遂格

滎澤縣

黃河南岸漢滎陽縣地隋置廣武縣尋改滎澤

濁水平槽喚渡船狂風不礙一繩牽中流飽沃黃梁

粥聽說滎陽楚漢年

黃河堤上小米粥極醲腴楚圍漢王於滎陽故城在縣南十七

里土人皆能言之

邙山

舊時河水嚙山足今日下船山尚遙恣食鱸魚鴉種

麥輪蹄碾處盡青苗

黃河舊在縣北三十里今二十餘里

鄭州

周管叔國鄭東遷於此韓滅鄭徙都之晉置滎陽郡後周改鄭州治管城縣明省入

州

古

黃塵隨馬上鬚眉渴肺餐風欲語遲休論管城食肉

相跨鞍且嚼鄭州梨

新鄭縣

春秋鄭國漢置新鄭縣

岡下驟綱岡上呼大驪從古有迷途村童指說歐陽

碣能誦瀧阡岡表無

大驪山卽具茨山在縣西南四十里城南有歐陽文忠公墓表

設奉祀生或

云衣冠葬也

溱水 新鄭南門外

來時泛艇去褰裳溱水如環過女牆東里祠前烏幕

下溪風送與澤蘭香

路經東里祠澤蘭即簡中州園圃極多通呼香草方書中辨證

願詳 瞻

許州

漢潁陰縣地東魏置長社縣為許州治唐以後皆治此明省縣入州許昌城在州東

三十里

石固岸亭道路疲秋風菱芡滿湖陂賦傳景福兼狂

草為附當塗受禪碑

石固鎮在州西北五十里為通襄城驛路岸亭在州東北二十

八里東湖在州東溱水所經多菱芡魏受禪碑鍾太傅書尚完好景福殿賦有孫過庭草書 大內刊本

先少司馬兄

蒙 賜一冊

草地

許州南二十里通臨潁驛路

帶水拖泥野寺投烹茶餽餅竟忘憂猛看壁上前賢

句盡是皇華雪瓜留

臨穎至許道窪多淖草地野店數間比鄰古寺壁間有韓桂舩

尚書及諸公題幘皆避暘待霽留連餓頃所作也

穎橋

襄城西五十里

穎谷祠傍又穎濱

邑祀考叔及蘇子由

淮西平後少風塵橋頭

鎮日連鑣過清似使君也可人

哥舒曜討淮西叛帥李希烈至穎橋遇雨

而退裴晉公討淮西至縣東二十里白草原擊却賊騎

襄城縣

春秋鄭汜地以周襄王避狄難出居於此故曰襄城漢置襄城縣

肩摩轂擊三條路红柿黃梨百頃園我欲買田皋

任還愁棗栗誤兒孫

羅念菴輿地圖以襄城為皋鼫地縣多果肆販者接軫

汝濱城

葉縣東北二十五里高齊置縣於此唐省

汝濱清淺竟容刀落葉聲中問渡勞一自黃城山下

過半程陂水半亭皋

汝濱水不甚深以岸高沙軟方舟載渡黃城山在縣北十里沮

澗所耕有問津橫碣東西二陂傳為葉公所鑿
縣有汝水湛水昆水湫水繚繞東下褰沙相繼

葉縣

春秋時楚地秦曰葉陽漢為縣唐初置仙州尋廢

城闐處處題仙吏仙去如何有墓園

有范喬墓

但信鄭鄉

嘗聘楚不將車馬毀宮垣

旅館甚廠

舊縣

葉縣西南三十里即昆陽故縣

奔流雜遯下層岡沮洳如何聚宿糧虎豹新兵四十

萬縱無雲壓也傾亡

邑無大險可據又非平原利於馳突兵逾十萬一營挫劬踐躪

立斃平叔不法正以形勢在曾不以多寡相較白帝
連營陳陶同日皆以兵多為累此淮陰所以有將萬

將十萬

之論也

漢光武帝祠

在舊縣有王莽反縛像

三十年前謁帝宮階前面縛白頭翁高臺威斗今安

在泉志猶存貨布銅

裕州

楚方城地後魏置方城縣唐宋因之金改裕州明省縣入州

牛車負擔溢通衢更有鳴駝夜半駈不到漢皋康麗

處虛訾平子賦南都

石家店帆檣所集由此登陸一都會也

博望驛

南陽府北六十里漢博望故縣

鋒車驛驛向炎方博望城邊繫馬忙忽見籬東花數

朶始知秋色近重陽

六

南陽府

秦南陽郡以在嵩山之南漢水之北凡水北皆曰陽

石路崎嶇秋草荒方城山下是南陽若教菊水通官

道應減行人髣上霜

菊潭在內鄉縣

瓦店

卽林水驛新野北五十里白河隄上

籃輿驀地見帆檣便可乘槎向岳陽欲聽大隄歌

曲楚聲只唱臥龍岡

宋時有議鑿白河通蔡河達湘澧之舟於汴梁者塹山堙谷功

卒不就漢召杜晉杜豫皆濬治泌湍諸水
溉田今不種稻俗喜武但唱三國演義也

新野縣 漢縣

赤伏符殘白水渟銅廬撲地酒帘青試求種樹樊陂

下莫向雲臺數將星

樊陂在縣西北樊重兄弟居此善農開陂故名

新鎮

卽呂堰驛樊城北六十里屬襄陽縣

接羅沉醉池安在裘帶風流碑欅平沔北沔南爭戰

地岳家兵與孟家兵

岳忠武敗李成於襄江孟珙敗金將武仙於呂堰

樊城

樊仲封國漢末為戍守處

千里黃塵撲面來襄樊宿麥未全栽滿城風雨

話不為催租興已頽

白酒黃梁民氣豪帶牛佩犢要潛銷短衣疋馬縣官

出玉帳牙旗虎士驍

適縣令下鄉捕盜

老龍隄

洗足登船卸短衣
琴書殘榻坐斜暉
緣何晚飯都忘却
看徧遊人緩緩歸

襄陽府

秦南郡地漢末為荊州徙治襄陽縣魏置襄陽郡治宜城西魏為襄州宋升為

襄陽府

虎頭岡上中興將
龍尾洲前殉國臣
唯有隆中頻點

二十

綴蒼蒼西北萬山新

龍頭山在府南三里岑彭破張楊於此龍尾洲在府東南三十

里宋張貴破圍被執處隆中山在府西北二十五里諸葛武侯隱此蘇詩萬山西北古隆中萬山在府西十里即杜預沉碑處諸葛廬近時常修葺之

宜城縣

楚鄢縣漢改宜城

蠻水彎彎送客船
宜城佳醞醉陶然
有人若問將軍

腹白麥黃芽壓載偏

彝水至縣南入漢桓溫以諱改曰蠻水俗以物實船曰壓載余

行李少買麥菜裝舟以
供食且襄陽所產也

十日應須見鶴樓漢陰買藥小勾留蕭間莫管南行
路待放梅花到益州

附

鍾祥令爲余言秋間漢水陡漲忽挾膠泥土

人疑黃河伏流浸入理不可曉小詩紀之

曾向黃河溯上游舊隄遺堞露中洲鴨頭那得泥三

二十一

斗除是張騫問女牛

官莊店

安陸
府北

六朝管鑰石城門南轉荆湘北走樊豐樂渡前頻駐

馬官庄田廢漢江渾

安陸故石城郡水經注石城西
城因山爲固今西門亦曰石城

自羊祜以計去吳石城守杜預轉漕零桂吳勢日蹙
厥後石虎攻石城未拔晉賴以安魏人得石城而梁
以殆蓋守江必先守漢漢之重鎮在襄樊而安陸爲
後繼元人絕宋饋運而襄陽始不能支矣豐樂渡在

府北九十里舊有九龍灘等港漢分洩漢水明時淤
澱軍民官庄爭墾爲業水患日甚今官庄雖廢而湖
港久堙鄖水驟發泛
溢爲灾屢請蠲緩也

鍾祥縣

楚郊郢地漢竟陵縣晉置石城戍爲竟
陵郡治劉宋設長壽縣西魏改長壽明

嘉靖中置

鍾祥縣

鳴榔恰得故人風長壽人家一瞬中金港板橋渾不

見直南大半晚燒紅

是日新升永順府覺羅隆恩船
相值維舟久談風利不得泊晚

三

至洲邊下柯南望野燒燭天蓋荆門州之章山卽內
方山也板橋灣有隄金港流漣二口通枝河達赤馬
野豬等湖分洩漢流今多淤塞金港在城
南源出楠木山卽楚子卒於楠木之下也

馬良口

故基州城在內方山東
北明以馬良益鍾鄉縣

馬仰雞頭天一丈但看秋色過荆門維舟往事難廻

首石破天驚礮火焯

內方山一名馬仰山又有雞頭
山取高諺云雞頭馬仰去天一

丈士長癸巳連年過此水患頻仍盜舟如蟻適以南
風大作繫纜江澗同行估船四面鱗集蓋籍官舟捕

盜兵役以爲守禦是夜銃聲不絕迨曉詢之武弁云湖港中盜舟出沒有來者以銃驚之使去人衆路岐不敢捕也

沙洋

荆門州地去安陸府迂迴幾三百里

鎮隄不道水西流木杪參差齊柁樓水府廟傾犀鐵

落長湖風浪幾時休

沙洋鎮與紅廟隄南北夾束漢水逼使東下水利考謂控荆門

江陵監利潛江沔陽五州縣之上流自綠麻口直衝沙洋隄二十餘里軍民屢居其上蓋漢水西南決則

三

直達江陵其患甚鉅然兩岸相距不過數十丈夏風一溢潰決相聯且長湖百餘里旣不能入江又不能入漢局於隄防浸沒田疇而水賊巢穴倏忽無定行旅尤病之凡言水利者皆以修隄爲事不知水無所容所謂川壅而潰所傷實多况沙淤漸高其從前之高阜浸尋與水相埒民幾無邱陵可避沙洋隄甚堅邇來漸圯於水若有傾決建瓴而下鎮爲魚矣而長湖爲赴荆州沙市捷徑舁舟過隄兩宿可到商旅之所趨驚則緝盜爲要務矣

澤口

屬潛江縣故白澗鎮宋升爲縣

石牌澤口皆津要過此登舟更舍舟今日片帆隨漢

水喜無行李頓星郵

石牌在鍾祥南一巨鎮也凡由漢赴荆門州必從石牌登陸赴

荆州者必由澤口登陸夏間亦可易舟至江陵余視學時往來屢矣潛江天門京山沔陽治皆不臨漢水上

寶塔灣

屬潛江縣

秋場處處打新禾隄上雞豚野廟多不似昔年波浪

三

裏灣西人哭灣東歌

水利考塔兒灣決口在潛江而天門罹其害蓋卽此地

京山隄

有牌計隄長若干里紫金潭拖船埠皆當隄築

船埠金潭截漢衝何時版築計功庸富人郡縣原平

坦三澁於今屬澤農

縣有汶澁漳澁蕩澁說者謂卽禹貢之三澁與天門縣接界今

堙

岳家口

屬天門縣

岳家口市曉烟騰枕上樓臺過竟陵不用催詩頻擊

鉢扁舟去似脫鞴鷹水寂 迅急

蚌湖屬潛江縣 接通江漢

蚌湖湖裏是人家活活泉聲徹耳譁見說隄南田更

好將船載屋過江義

臨水居民屋作兩三架遷移則以船載之

附 沔陽道中作

三五

曩歲一湖白今番兩岸賒

前數歲天門隄潰漢水與太白諸湖合為一零

星成晚市晴美瞭棉花禾藁積如屋筏篷牽作家

見適

筏上卸一茅蓬昇置岸上為廬以居南鴻聲更樂先我過長沙

拖船渡

沔陽州西九十里外漢內湖拖船過隄故名

久將故瀆混潛沱踰澗越堤一艇拖四十四湖波水綠

森只憑塊土障襄河

江漢盛漲俱注沔陽不分潛沱矣舊時漢水播於諸湖分洩入

江嘉靖時沿漢爲隄至萬餘丈屢築屢潰兼之各口淤墊爲陸水無所容昔人謂江漲則沒東南漢溢則沒西北江漢並溢則爲大壑非隄防所能禦其說信矣志謂州境湖港四十有四其大者周百餘里小者數十里皆匯於太白湖

仙桃鎮

屬沔陽州有州判驛劄

檣燈岸月逐瀾翻舟泊三更渡口喧忽憶從前風雪

夜一尊清酒醉獼猴

壬辰歲杪過此風雪三日幕客不能相過適自施南攜小獼猴

與之酒人立而飲旋飲旋醉酩酊之態與人無異不似王孫之躁矣

漢川縣

漢安陸縣地後周置甌山縣宋曰義川尋改漢川

漢水雙分下漢川要從瀕口與江連經流漫說劉家

隔雲夢區區數點烟

漢水入境分二流一出張池口經縣南一由劉家隔同於瀕口

入漢後水淤滯劉家隔之舟船不得通於漢川今唯赴德安府由此至雲夢縣登陸西魏於雲夢古城置縣今澤已堙瀕水在

縣西二里南入漢川

陽阻風有感五絕句

更無峯孤負石尤滯客蹤迴首去年風雨

芙蓉

臺在湘南節署
又一村東偏

清淒驚雁橫過鳥亂啼同氣已無唯姊

望淮西

行人樂獨夜危橋坐客空紅葉淥波圖畫

三七

裏不將短髮試長風

彎環河廣真杭葦前後舟聯若比鄰欲喚琵琶歌一

曲隔牕司馬恐傷神

是日
所見

南陽黃菊滿園綻漢上籬邊無一枝更覓買糕人不

見劉郎何興復題詩

蔡店

漢陽縣
六十里

翼際山頭禹廟餘斜陽漢口鳥飛徐榻來蔡店風光
好但少天然二寸魚翼際山即大別山蔡店登高即望見之昔時阻風泊此適漁人
得銀魚買以索酒鮮
美無比作詩以紀

漢陽縣

憶昔題襟迹已陳輶車仍自往來頻晴川閣對皇華

館應笑常爲江漢人

余少時侍先光祿學使署中後二十餘年余復視學楚北又

手八

六年餘復讞案江夏留滯兩月餘又三年以調任浙
江自湘南至鄂登陸北上旋調滇南迂道至此以舟
行省費故也

附

黃州紀程詩

適以事赴黃東行二百里往返十餘日時江水平定岸上人家

漸次復業與前時所經氣象迥殊附記於此非赴滇徑路也

陽邏鎮

黃岡縣西百二十里

鄂州東下指陽邏北管森巖一棹過萬斛舟輕如使

馬順流無限此風波

鎮與江夏分界相傳劉先王招孫權拒於此邏吳兵之至故

名由黃陂北來至此渡江即武昌府城東江岸矣元

忽必烈由此圍鄂州伯顏亦攻此堡夏貴潛遁也江

水合漢水至此水

勢益盛滔滔東注

新生洲

黃州西九十里相近有崢嶸洲

崢嶸洲畔又新生汊港時時誤客程落漲參差秋樹

倒霜根一繫野船橫

元忽必烈張傑作浮橋於新生磯即此崢嶸洲與武昌縣分屬

劉毅敗桓元於此亦名得勝洲秋後江落汊港淤淺行舟往往誤入進退為難

團風鎮

黃州府西北五十里湖北兌漕處

糧艘櫓比護江干岸轉沙迴風亦團北向光黃一線

路虎頭關隔楚雲端

鎮為估販所聚凡由楚赴光固者皆於此登陸僅隔麻陽一縣

耳虎頭關在麻城北七十里接商城界土人通呼界嶺余每欲由此至原籍拜掃迄未能遂

黃州府

楚滅邾遷其君於此漢為邾縣西陵縣地未為西陽郡齊分置齊安郡北齊置

衡州隋改黃州
元屬河南明改

西陵山後是中州黃土白沙戍鼓收試掬雪堂江裏

水幾條曾自故鄉流

縣故楚西陵邑漢置西陵縣縣北有大山綿亘八百里俗呼西

山白沙關在北黃土關在麻城北同虎頭關穆陵關
大城關為五關李道古乘五關而元濟誅李壘修五
關而女真遁忽必烈張柔入五關而鄂州震關為光
汝交界山谷盤阻巴河出霍邱靈山閭家河出固始
石門山義井河亦出固始
界皆注於江經黃州境

三十

黃州雜事詩

陶鳧薊觀察有詩三十首偶述所憶以補其遺

十圍老桂雪堂東偏說強徒欲借骸

雪堂桂樹數百年物土人以爲

有神

憑依 試覓骨牌靈草看橘中休詫賭棋翁

桂樹經二百年則生

骨牌草余於杭州闈中老樹上得之天地人和點畫
不素樹下香楮堆積或戲謂桂神亦喜葉子歲然亦

奇矣

沙岸柴門萬樹懸竹籬高揭聚漁船直牛賣得頭鱗

去又打西山縮項鱸

舊時鱸魚先獲至三十千鱸魚以西山下為肥美價亦不廉

半晦園蔬終歲殺東坡何處剩誅菘滿田豌豆紅花

菜便是元修大小巢

大巢即翹搖詩經旨苕也俗呼紅花菜亦呼翹翹小巢即野豌豆

豆詩經薇也田家猶摘食之

李時珍考證甚晰人多不辨

銀袍鶴立氣行行春歲冬科選佛場忽叫朱衣人印

卷紛紛叩首夏明王

黃州考棚試時曾有童生於號中見朱衣人以印叩其卷大叫

三

而狂或遂不救余取視之其印非朱非黃作硫黃氣亦楷書也聞近時亦復有之場內外祀夏明王或云三姓冢址也試者不敬即有所見云

赤鼻山

在府城西北屹立江濱東坡以為赤壁頗為後人所詰但蘇公必非無據

邾城重鎮吳門庭赤鼻臨江亦地形嗤點流傳前後

賦詞人原不注山經

陸遜曾城邾置戍即今府治吳欲都武昌則黃州即門戶矣

樊口

但從樊口渡朝暉不向樊山上翠微行過三江渾未

識大回網得鰕魚肥

樊山在縣西三里卽西山水注江曰樊口志云江至縣橋爲三

但洲嶼出沒年年遷移莫能辨識江流回曲處在樊口曰大回在釣臺下者曰小回武昌魚肥以洄洑處爲所聚也

塘閣

江夏城北泊舟處

送雨東風兼送客本從西去又西歸青山磯上黃金

三五

浦遮莫鑼聲泊鶴磯

黃州時祈雨數日解纜時東風大作好雨竟日余行李皆留江

夏舟中匆匆來往僕人迎候有似歸來矣青山磯在城東二十餘里對岸卽陽邏黃金浦本黃軍浦黃蓋

屯軍處其上卽鸚

鵝洲黃鶴樓也

皇華館

江夏城西爲送迎之所

花館從容避暑時烏雲半上雨如絲祇今燈火門前

泊雨冷風火枕簟知

唐人詩五花館內敢從容余夏間同眷屬過此熱甚留此三日

適望雨甚切雲作而雨不甚濕蒸
尤劇今以途中迂折不復登岸

鮎魚套

江夏城南數里昔人鑿以避風浪今木
排皆聚集於此蓋卽管家套又名陳公

套

木筏凌流似貫魚兕難牧豕一村居浮家踏浪年年

慣須識和舟載不如

成汭爲荆南節度造大艦如
衙署名和舟載後爲敵所焚

沌口

漢陽府西南四十里與
金口下竇家河相對

三五

重湖風景似湖州村舍臨溪菰蔣稠莫道臨嶂謾赤

壁屯兵捕盜兩網繆

沌口上承太白湖周二百餘里
臨嶂山在縣西六十里俗以爲

赤壁陶侃爲荊州曾駐沌口王琳與侯安都亦戰於
此范成大謂沌港兩岸皆蘆荻支港皆通小湖故爲
盜區客舟非
結伴不可行

金口

在武昌府南卽塗水入江
處又南九十里至簾洲

雙關中分一澗東西來塗水亂山紅連檣到此真天

險况與周郎有便風

兩山夾江不甚寬廣塗水從西來循山通港戰艦至此逆流水

迅牽挽為難舳艫相接勢必壅滯若前阻進路旁從金口以蒙衝橫擊首尾不相救破之必矣赤壁數十

萬兵必當停泊此間風

利火猛安得一舸返耶

上下簾洲

嘉魚縣東北四十里其地回複風色不常又名拗簾洲

南去舟即北去舟上簾洲與下簾洲長年打鼓求如

願除是分風更擘流

嘉魚江行詩

枝水如駢指好風忽打頭幾迷南北轍分別夏秋流

夏間盛漲江直

浪濁江豚喜雲低塞雁愁迴腸應笑

秋後岸出江曲

我忻戚欲河求

附

維舟嘉魚詩

北地嚴霜切江頭景尚和隙牕流皓月密纜守潛波

坐覺衣棉重難禁燭淚多郵程仍萬里相警一吹螺

附 守風沙阜詩

土人云蘆林潭其上為祭風臺疑蘆林即烏林在江北

前後迴颿入港樞飄零茆屋有人家瓦盆賤買雞鳴

酒雨葦遲烹蟹眼茶此日膺符還世外

宋牧仲詩何意膺符節翻

同世 前身行腳是生涯荒洲乍喜哀鴻少柁底炊烟

一道斜

嘉魚縣

漢沙羨地晉沙陽縣地梁置沙州旋廢南唐升為嘉魚縣

灌磯魚嶽皆登陸陸口麻屯盡戰場東望武昌西夏

口應將赤壁屬沙陽

縣以魚嶽山得名山西北有灌磯山舊皆臨江江遷而在陸矣

陸溪口吳時屯兵為重寄麻屯在陸口東孫權平山賊麻保二屯於此赤壁有五漢陽漢川黃州嘉魚江

夏應以縣西七十里之赤壁與對岸烏林為據

白螺磯

監利縣東南百四十里形似螺山皆白土故名江水至此入沔陽境對岸即臨

湘縣
界

巖巖苦霧一朝開放出螺山到岸來蟹舍魚莊環斷
港丹楓綠柳遮成堆

長隄首尾沔與荆尺地寸天共水爭惟有江心甌脫

地北南割界不分明

隄自荆州龍窠嶺至白螺磯長二百六十餘里縣與巴陵對

岸以江心為界但江水無定洲渚忽生忽陷一有盜劫之案或以舊時洲渚為失事之所彼此推卸久之

不勘

新隄

屬監利縣縣故華容縣地吳置監利縣

幾迴乘漲過新隄浪打人家樓下梯簇簇市門船晚

聚百牙乾鵲一聲齊

方輿紀要新衝河在縣西四十里通江陵漕河民居輻輳南接

大江內多重湖今有新衝隄濱江險要在縣西南五十里蓋卽此新隄也

鴨闌山

臨湘縣東北十五里相傳吳建昌侯孫慮作鬪鴨闌陸遜諫止之

亥市陳魚百簿灘舳舻千里塞狂瀾雲中水獵差堪

賦一笑吳王鬪鴨闌

附

臨湘舟中憶昔兼懷都門及途中姻舊有作

塵鞅憚驅車雙橈未敢徐因風退宋鷁入饌來江魚

野館秋聲裏 觚棱曉夢餘捫心無一事承 詔且

觀書

召對時有雲南事不甚繁尚可觀書之諭舟中無事止開書帙耳

三

霜葉紅如此回峯望轉迷遙憐雲翼遠不似 上林

棲秋影清湘外巢痕 朶殿西幾行書欲寄南去不

飛低

黃羊吾有問

謂祁淳甫大司農

文酒近如何憂 國心常醉

衝霜髻已皤似聞鯨死海定見鵲填河稻蟹江鄉足

力田應有科

走馬張京兆 謂陳子鶴大理
時權京兆尹 定逾五日期車聲留雪

轍客影集冰池前席 深宮語圍爐上壽卮姻親莫

湯逐萬里擁旌麾

清酒斯中聖風流如飲醇 謂徐仲升伯華昆
季及周芝臺閣學 狂言常

望子顧誤屬何人岐路托兒女天涯原比鄰汝南吾

昨過首種滿河濱

此去瀟湘曲采蘅應贈君 謂祝蘅畦
少司馬 多情憐臭味同

室靖紛紜 蘅畦與余同居數年雖僮
僕亦為約束不敢妄行 夜識金銀氣朝

稽水陸軍慮囚尤苦劇短晷想維勤 時查三庫
權少司寇

堪嘲胡索人此路半吾姻假道江黃國同舟骨肉親

謂漢黃道陶鳧薊觀察 犒師會藉鄭食盞又歌陳 謂
黃州府徐蓉舫太守 順

德府鄭春溪太守湖
南學使陳杏江侍御 兒婦郊迎日黔西見賀循 長子
冢媳

皆在賀藉

庚撫署

無材堪報 國六載始過門不謂山妻拙都蒙 帝

語温

召對時垂詢
及臣妻子

傲廬勤灑掃肯構望兒孫為寄邊

生被通家若弟昆

滇行紀程集卷下

道人磯

臨湘江中

隱磯戰艦響空灘剩說石人道士冠定是風雷委蛻

去藥鑪丹竈滿江干

隋崔仲方上平江南之策云水路要害必爭之地須於巴陵隱

磯置船屯集今不知所在道人磯志謂如道人今惟亂石堆落頗無形似

象骨港

臨湘縣北相傳巴蛇吞象出骨於此

臨湘山水共逶迤一綫絕江船上遲莫向港頭尋象

骨洞庭今已無鬚鬚

昔人嘲僧齊已欲題洞庭湖朗吟日可憐洞庭湖恰到三冬無

鬚鬚蓋謂冬時水涸譚湖為鬚也

城陵磯

巴陵縣北十五里江湖合流處

瀟湘波冷我南還夜過江磯層網間北斗挂城天在

水叢祠燈火現君山

岳陽樓

東陵城郭踞江高樓下旌旗擁萬艘
崇陽之役余閱糧船水勇於樓

下安得錢塘君一怒雷霆射卻海門濤
集異記龍女詩海門連河

庭一去三千里海湖氣機自相通感
安得錢塘君雷霆震怒掃盡海氛耶

新墻河 巴陵縣南六十里發源臨湘

投鞭競渡新墻水迴首年前士馬騰明月上元哀角

二

裏懷中羽檄到巴陵 崇陽之變余駐湘陰調度防堵以正月十四日啟節赴岳州行

十餘里得平江警報知逆酋鍾人傑於十三日半夜
潛來劫營遂密藏懷中沿途飭驛多備糗糧即日帶
鎮軍兵勇大隊赴通城剿賊其實僅鎮兵二百於翌
日自湘陰前進而練勇已飛檄赴崇陽爲奪險計增
竈示強聊安衆志至二更餘得守備賈鎰財報知賊
已擊退余料逆賊聞大兵至必卽逃竄先是以手札
諭通判唐鳳德俟賊退城空卽由臨湘輕騎招諭鄉
耆入城收復四圍兵將不得先入蹂躪妄殺至是一
日夜馳二百四十里抵巴陵以賈守備報示將吏士
氣益奮而唐通判已招通城紳士來聽指揮遂卽時

密遣赴臨通交界探賊動靜賊果於十九日竄回崇陽唐君帶兵勇十餘人入城搜獲數賊以城交湖北委員勞光泰余因馳奏徹兵回長沙而岳州文武殆無知者今過新墻年豐民樂又是一番景象矣

汨羅江 湘陰北七十里

玉筍山前汨水迴祇因湘纍瀉餘哀長沙莫道多遷

客此地羅君舉國來 汨水出江西流入湘陰縣縣故羅縣楚文王遷羅國於此故封

在襄陽宜城縣西汨水羅縣合名江也

歸義驛 湘陰北六十里平江縣南北來往皆由
此明季潰賊向岳州以大荆歸義皆有

備遂受撫

米脂潰賊棄戈降全藉當關駐節幢東去岡巒接幕

府長沙管鑰是平江 平江與楚北崇陽通城皆依幕府山為險過山即江西境矣舊

時武昌義寧有事皆由平江窺長沙平時不甚防也

黃陵廟 湘陰北四十五里黃陵山側

南盡蒼梧不到海黃金鑄鼎漏蛟鼉從臣應有杜鵑
血湘竹斑斑淚未多

蘆林潭

湘陰北
三十里

水落潭寒萬網懸官衙打鼓放漁船秋蠅雨蟻知多

少 李商隱洞庭詩詩開若
雨前蟻多於秋後蠅

真道河魚不取錢

湘陰歲
杪官集

漁船就潭打魚每日必報得魚若干獲價若干繳課
既足即聽漁人捕取值魚多時湖濱狼戾雖乞兒亦

饜足焉或云東西湖
互爲豐歉理當然也

湘陰縣

驛館縣秦羅縣劉宋爲湘陰縣隋時
置玉州於此元爲湘陰州明復爲縣

青青海芋照闌干此館胡爲又解鞍不信洞庭八百

里秋來竟受野航難

湘陰喬口林子口皆湘水入湖
處水盛時溯流沅江至龍陽可

避西湖風浪今秋數月無雨
竟不通舟楫遂陸行到長沙

瀏陽河

長沙北
十五里

驛路無端上酒船
城雲如夢夢如烟
擎杯愛煞瀏陽水
隔岸風波總晏然
萬經門方伯蘇介亭廉訪觴余渡船中是日風雨湘水澎湃而河水岸高流緩僅作魚鱗皴而已

嶽麓山

馬櫻花發作遊人
北海碑前屐齒新
今日雨風催過客
縱無攀贈也愴神

北岳觀

善化縣六十里

蚤知楚地盡牂牁
昨夜客來示我多
三載不曾西向

望掉頭今已別湘娥

西去渡資沅沅不復涉瀟湘矣

寧鄉縣

吳新鄉縣晉新康宋改寧鄉屬潭州

玉潭江上去匆匆
西望瀟山烟雨中
百里林巒桴鼓

靜默吟憂國願年豐

玉潭江在城西南大瀟山在縣西周百四十里明時常爲嘯聚

之所

益水 益陽城外
即資水

益陽城郭曉烟輕益水東流徹底清一百一灘行到

此桃花江比莢江平 資水出武岡未合邵水有五十
三灘既過邵陽有四十八灘自

新化茱萸江至安化善溪口有善卷子祠故名皆險
峻又東至益陽浮邱山北為桃花江過益陽縣城至
臨資口合湘水入湖則波瀾不驚循軌
赴壑矣其正流經沅江縣專達於湖

六

大圍隄 龍陽
縣北

烏汶障下大圍隄截斷谿蠻眾派谿大豆芋魁今歲

好不將黃鵠怨羣黎 大圍隄上接武陵烏汶障長百
二十里橫障辰沅諸峒溪水為

一縣利邇來湖漲潰決久未修築壬寅冬委署令陳
炳倡修完固糜錢五萬餘緡越歲圍田大稔民歌樂
之

白沙渡 武陵北
四十里

棺樓一飯白沙溪三五人家又午雞勒馬蒼茫牛鼻

渡滿天風雨走湖隄

大風雨循湖隄行數十里白沙渡無旅館飯於舟中牛鼻灘在

武陵東勒馬問船牛鼻渡釣魚望

月橘林州相傳呂仙題樹句也

○ 武陵縣

漢臨沅縣隋置武陵縣為朗州治宋為鼎州治後改常德府縣有漢壽舊城

湘中都會武陵城在渚花隄畫裏行滇海八千路

半水程盡處更山程

枉水在城南里許即枉渚槐花隄在城西

○ 桃源縣

宋析武陵縣舊有馬援築沅南縣城

沅南西去北河渾冠帶雖更姓氏存訟牒已繁銅柱

外洞天終是說桃源

北河即酉水自酉陽東入永順龍山縣至辰州西南入沅江南

城馬伏波征蠻時所築永順自五代時為彭氏所據雍正年間改土歸流民雜善訟馬殷銅柱至今完好

道家以桃源山為三

十五洞天沅江經此

○ 漁網溪

桃源西北二十里

沅江十月碧如玉鳥白一山紅勝桃可是漁人迷路
處夕陽載網櫓聲高

○青狼灘

沅陵東百三十里方輿
紀要作青浪今從俗

初上青狼第一灘三門百曳石漫漫瞿塘濫瀕同惶
恐慣見人問行路難
灘長三十餘里百曳灘相傳劉
尚征蠻以百夫曳之不能進三

門亦灘名今通呼
青狼險灘鱗比

○溶口

沅陵東
六十里

酉山犵狓幾相懲劉尙城荒慢水激舟過麻伊頻指

點爭將溶口說沅陵

犵狓犵狓不狼寨皆在大酉山
口劉尙城在府西南百三十里

城雖廢猶足控扼諸蠻慢水卽酉溪麻伊沱在府東
宋置寨於此北溶有驛舟經溶口棹人云灘盡卽抵
沅陵
矣

○辰州關

秦黔中地漢武陵地陳分置沅陵郡
隋置辰州唐初爲瀘溪郡尋復故

東下津關此戍樓五溪清水過壺頭我來半夜仍聞

笛那不令人憶少游

辰州設關榷鹽木稅有游擊駐劄五溪至此畢會於沅縣東百

三十里壺頭山即伏波停軍處武溪在縣西或云伏波於此聞笛壺頭山高水險荆南之外藩鼎澧之要

口也

○沅陵縣

漢縣

三年唯飲峿亭茶消盡醲腴不著痕西去更知癯吏

九

好試從公漏乞丹砂

峿亭在縣東北產茶作貢並貢丹砂蓋舊時府為黔中郡治今

丹砂產於貴州則後來之黔也

○瀘溪縣

唐析沅陵置

槃瓠辛女總無稽武水滔滔過縣西試覓豫章兄弟

國肘間金印共瀘溪

武山俗以為槃瓠所居辛女岩臨江俗以為高辛氏女所化伏

波征蠻至此歌曰武水滔滔一河深江西

建昌府亦有瀘溪縣幅員百里山嶽相同

○浦市 瀘溪西六十里方
與紀要作普市

江中沙渚突成田江上樓居人似仙忠魂歸來風雨

黯何時築冢象祁連 適鄭總戎國鴻靈輓歸
窅風雨慘淡天人共悲

○辰谿縣 漢辰陽縣
隋改辰溪

昔聞鎮筸流堪溯今過麻陽望轉迷燈火城樓絕壁

上三更風雨泊辰溪 麻陽河即辰水源出銅仁縣之
順溪經黃蠟關入麻陽流至辰

十

溪入沅湖流至鳳凰廳僅三日程是
日暝中行舟未得見其入沅之口也

○同灣 辰溪西百八十
里與黔陽接界

盛朝不擁鐵官稅野火洪爐欲蒸林曲隈汲泉人負

戶沙民結隊汰數金 辰州出鐵礦商販持照買鐵出
境而關無徵土人築爐鎔冶火

燄爨天水濱有沙戶淘金為業以水車岸出沙中之
泉持畚濾沙於板其板如門扇橫木櫛比有金則滯

畱木
縫中

○安江

黔陽東百五十里本蠻峽州
訛為洽州宋置安江砦於此

行到龍江未見吏又經鷺垓不逢人紅墻一寺懸山

角打鼓鳴鑼船賽神

雙龍江即敘水源出澈浦之龍潭逕縣南合龍灣水至江口入

沅江口距辰谿九十里或云屬澈浦安江舊設巡司
今裁凡險灘上皆有寺持布袋乞米無弗應者船頭

賽神日
或數次

○洪江

黔陽東七十里
宋置洪江寨

千家闌闌鎮烟巖初見礪樓踞半山巒于桐多商舶

集竹舟河水似眉灣

竹舟河自會同流入按方輿紀
要沅水出貴州番界經黔陽及

會同入辰溪境又引縣志沅水入境過雲潭文溪至
托口與朗江合考貴州志清江出都勻經天柱黎平
人靖州清江通判地古未入版圖我朝平苗開通
江流凡采辦木筏俱由洪江入黔遂為水路要津蓋
即沅之經流近時以漁為沅諸說互相牴牾范氏雜
采衆說亦未折衷其云沅水初無正流至辰沅而始
大因名沅水尤為籠統總由苗境荒遠自漢書水經
皆以圖籍未登但舉其委而畧其源近時黔中苗崗

悉歸 王化山川脈絡瞭如指掌而考九江者唯知引古未嘗證今有漁則無沅有沅則無漁亦何滯也余既溯濶上至鎮遠渡黃平上游又考清江之源委為運鉛運木開鑿之孔道因附識於此以見山川形勢非親歷者不能確核况沅水自開避以來棄置化外非我 國朝聲靈蕩定亦烏知其濫觴於蠻陬荒耶 徽

○黔陽縣

漢鐔城地梁龍標縣唐置朗溪縣宋為黔江城尋升黔陽縣

龍標山下排杉筏盪盪灘頭顛竹篙繫縣提封三百

里莫教胠篋尙橫刀

龍標山在城內縣故有龍標之名盪盪灘在城外縣東至同灣

西至楓木塘相距三百餘里與激浦會同麻陽辰谿芷江錯壤江沁向為逋藪署令雷君鐸造捕盜船二上下泝流頗有繫獲矣

○桐木窰

黔陽西五十里居民以燒窰為業

山腹青杉束菜把江頭白石鑄神工平曠數頃天開

朗便覺船梢別樣風

白石突出江上紋細如絲可稱雪浪

○盤龍坳

黔陽西六十里

鐵索穿山路已窮翠屏開處見房櫳月洲薺樹盤龍

坳知是蓬心粉本工

疊嶂夾江緯路已絕峯迴水轉
陡見平疇近水人家儼然罨畫

王蓬心太守所作山水平遠秀潤宛

肖此間殆久宦湘南有天然粉本也

○方中

黔陽西六十里

羣峯退舍溪潺湲一曲柴門逐水彎果下馬間橘柚

三

老茅棚無數鑿童山

荒山間有草園就掘洞穴或云
取石取煤遠莫能辨殆所云黃

巖封禁之

硫黃耶

○榆林灣

芷江東八十里
有縣丞駐劄

粗黎橘柚原兄弟滿木榆材未許同若下芳洲尋杜

若哦廳那得落錢風

南方惟有郎榆秋時結莢亦不
數見湘中有榔木俗呼榔榆樹

作志者遂以為榆蓋未見春時輕薄隨風
也榔字本作櫛與榆不類有蚊榔生蚊

○白鶴巖

榆木灣
西三里

夜郎蝸角互侵陵鶴獎諸州幾廢興試上巖端一眺

望故封遺堞盡鱗塍

宋史南江諸州曰激曰峽曰中勝曰元則舒氏居之曰獎曰錦

日懿曰晃則田氏居之曰富曰鶴曰保順曰天賜曰古則向氏居之按獎州即今便水驛宋以獎州為便

溪砦富州即鎮江關在沅州東八十里宋以富州為鎮江砦鶴州即白鶴巖平行處俗猶呼為鶴州村懿

州即今州治晃州即今廳有晃山錦州即故盧陽城宋併入麻陽為錦州砦峽州即安江古州今黎平外

十四

古州敘州即故沅州今黔陽田氏據今治曰懿州新城宋因之皆在三四百里內此張翹所謂大者不過千戶餘不滿百也

○公平驛

芷江東六十里本羅舊驛移於馬公坪俗呼公平

峯頭一轉一灘長沙岸從無二里強除卻零星茅舍

外茶花密密白如霜

志謂江瀧近激石骨嗟峨駭浪驚濤接程而有自老坡灘至大

慈灘凡二十

有一尤險仄

○龍津橋
沅州城南

霧裏明山壓麗譙潭陽舊縣析龍標洲東秀水何曾

見三楚歸然第一橋

芷江卽唐潭陽縣析龍標置明山高千仞朝抱郡治龍津橋長

半里甚壯麗昔人謂爲三楚第一橋水中有洲志謂盛漲時有秀水一綫汲以煮茗水不恆見見時卽有掇蘂科者

○沅州府

宋置沅州國朝屬辰州乾隆年間升爲府

十五

十六州會自跳梁布衣一策定南荒臣惇刻石多矜

伐方丈仙人盡渺茫

宋熙寧中辰州布衣張翹上書言南北江諸蠻雖有十六州之

地惟富峽敘僅有千戶餘不滿百土廣無兵自相仇殺衆思歸化若招撫之皆可郡縣詔下辰州劉策商量策如翹言乃詔章惇經制悉平諸峒遂置沅州按唐季失馭蠻酋分據曰田曰舒曰彭非土豪憑陵卽流人曠聚不比苗獠異類歷代阻聲教也若因其刻剝無度衆心內附無難傳檄而定卽有異志者亦當示以恩威親入其阻使之感懾余撫湖三載訪察辰澁民情大槩悍而無謀窮而易役及舟過五溪雖未

登危陟險但見林箐易匿究無天塹可恃加以瘠土畏曠嗜利忘親不必饑饉已思離散蓋不難於懲創而難於拊循地勢然也章惇以田氏未賓輕信流人李資襄慢夷僚致煩兵力不旋踵而有沅州蠻斷渠陽之役是皆惇之措置乖方全乏遠慮乃其詩一則曰臣惇入奏陳地圖再則曰臣惇專持使令車掠美矜功何可盡信議者或曰惇才可治兵作志者惜其立身一敗功不足錄嗚呼惇卽不爲小人亦遼東白豕耳我朝雍正年間施南永順改土歸流救溺拯飢易如反掌在事諸臣何常有偉功可紀熙寧之事卽委趙鼎劉策諸人經畧龔定其功豈在章惇下哉余怪後之人不究形勢而爲惇所愚故附記之

六

芷江縣

舊爲沅州乾隆年間升爲府始命縣名附郭

粟米溪前販蠟船黃巖山上種畚田丹砂錦石誇珍

麗更道騎鯨有謫仙

粟米溪在縣西沿溪溉田邑產白蠟人以爲業黃巖山頂平有

田數千畝志謂似桃源丹砂久不產明山石如衣帶紋者亦絕少西溪本唐夜郎縣舊有太白亭其實太白半道放回
水至夜郎也

○便水驛

芷江西六十里距宋便溪砦不遠漁水經此謂之便水

詩人曾謫龍標尉猿嘯江樓橘柚香

唐王昌齡謫龍標尉送客江樓

詩 我過便溪懷令尹杉皮屋下話農桑

杉皮補屋牛背話農桑皆

前令胡禮箴詩刊於邑志

○滿天星灘

芷江西七十里疊石為魚梁長如甬道

天星灘上白虹長百尺牽江上石梁諸葛洞前衣帶

水詩人辛苦辨無陽

前令胡禮箴作邑志辨漁水極核

○晃州廳

署臨漁水只數官衙無居民

爭界都郵幾上書真教六里割商於晃州舊印何年

鑄添個癩儒詠樂胥

嘉慶年間晃州驛士子欲收入玉屏縣籍屢經委勘遂割芷江

六里為晃州廳移一學官於此宋時田氏掘地得晃州舊印以獻於朝

○龍溪市

晃州西十里唐龍溪郡地

行人垂蹠懸巖路販婦蓬頭晚市門停棹龍溪迴首

望出山泉已向中原

○分州

冕州玉屏交界
處有界牌二

莽黔疆界苦分明一樣西風落水聲鼎澧竹枝欲再

唱背人灘水去無情

○兩溪

玉屏東
十五里

出洞水簾春白石侵雲樵路掘交簾巖寮一浴丹砂

六

水服食神仙得未曾

土人春白石研簾根為粉和雜
穀食之溫泉在兩溪東二十里

泉從巖間流出
居人就取滌衣

○玉屏縣

故雄溪地唐酉陽縣元平溪蠻夷司明
為衛國初隸辰州後改玉屏屬思州

城外郎當驛傳馬灘前簸蕩茅棚身擣衣挑菜河濱

女不看行人看水流

○響水坪

玉屏西
三十里

望衡道是隨湘轉過晃誰知轉更長
驀地石鐘聲到

耳欽崎顛煞米襄陽

岸石多洞夾江
奇靈可愕可怡

○青溪縣

故清浪地

誰遣龍車到此間
城根清浪石斑斑
徭童越嶺歸何

處朝暮還看架閣山

架閣山在縣治西水路曲折行一日程尚見山頭

○梅花哨

方輿紀要梅花哨出清浪衛黔志不載今梅溪舖在縣西二十里又十里為小

尤

溪蓋即梅花哨也

花哨也

水枕低昂船上遲
沙暄鎮似早春時
披圖指點梅花

哨驛使無因贈一枝

適有差弁岸上
經過喚之不應

○中河山

鎮遠東河中有山刻楚橋風順四字

已入黔西百里遙
中河猶刻楚江橋
偏沅久撤節樓

鎖擊鼓椎牛更寂寥

明設偏沅巡撫駐沅州及偏橋康熙年間移長沙苗俗椎牛最

易聚眾滋
事特禁之

○鎮遠縣

漢無陽縣唐獎州地元鎮安縣明改鎮遠國朝以湖廣鎮遠衛入之

砌成磴道通蠻象

適緬甸貢象

椽竟样柯駐使槎

舊說莊躡伐夜

郎椽船样柯於此
今船行至此改陸

文德關前迴馬立仍依北斗望京

華

文德關在縣西二十里山陡峻芸臺相國題行館詩有夜來少見北垣星之句以縣治依山作障重

嶺亘空

故也

三

○鎮遠府名宦祠

辛勤太守召機人分繭稱絲欲救貧纂樹浮波霜落

盡滿山椽栗作柴薪

前太守凌泰交令民種椽取繭載漁溪雜記詢之士人久停杵

矣 軸

○施秉縣

唐瑯川縣地宋暨賑大田溪蠻元置施秉長官司明改縣國朝省偏橋入之

甕蓬灘險幾迴通野艇泂溪入斷虹日落花苗歸洞

口一肩蘿蔔一肩菘

奮蓬洞俗呼諸葛洞漁水上游極險明郭子章國朝鄂文端

公兩次
疏之

○省耕亭

施秉
縣東

石田犂确牛蹄裂君欲省耕何處耕試覓樵童柯爛

未山山方罨野棋枰

○飛雲洞

黃平州東
二十里

黔中勝境舊傳聞

志以為黔中
第一勝境

况有老僧作馬軍偶

向鈞天陪帝醉竟從洞外躡登雲

以假寐
未游

○黃平州

宋狼洞地元黃平府明平狼洞苗建興
隆衛後平播設州國朝移州治於衛

梅花嶺下駐行旌豈有宜娘尙阻兵為笑太翁山聳

處兒孫羅列氣難平

梅花山在城東郭宜娘山在城
南五里宋時有宜娘屯兵於此

太翁山在城北二十里雄出諸
山之巔然山多相峙不相讓也

○黃縷塘 黃平西 十里

山頭紅日冷如霜山下白雲湧似江老鶴未歸鴉不到
到靈根可有犬聲厖

○重安江 黃平西 三十里

閩中一綆鎖澄潭處處方池正刈藍 邑產 何地風波

行不得難教野艇下湘南 江出麻哈州台清江入 楚有灘未鑿不通舟楫

○清平縣 屬都勻府元都雲縣明都勻衛 國朝改縣領都勻正副司邦冰司

都雲內附記何年舟楫今通凱里鉛一樹迎春曾作

伴洛登山下挹飛泉 五代時都雲蠻始附於馬希範 明以四川之凱里來屬今出鉛

清江水逕此館於縣署有樹如橘開小白花
微香亦呼迎春洛登山在縣北十里有龍井

○楊老驛 清平西三 十五里

錫銅負戴走侏侏驛路羊腸劇苦辛墜馬石前頻悵

望轉移猶幸列閒民

昔人憫役夫辛苦夜中騎馬經此而墜後人立石誌愛今驛路

修治肩挑魚貫貧民藉以餬口其不能負販者赤身行乞殆不知幾許也

○西陽驛 平越州屬

舍月胡刀舊朗州白泥淪陷已千秋一從改道西陽

驛誰見鳳山百鳥啾

平越唐朗州地後為播州有胡刀舍月等縣唐末沒於南詔楊

端以兵復其地世為刺史元為宣慰司領白泥等長官司明平陽氏設平越府今驛路改由清平不經州

三

治鳳凰山在州城南相傳有鳳巢百鳥以秋冬駢集殆蠻人誕詞耳

○貴定縣 領平伐新添大小平伐司

牟珠洞外雨廉纖嵐氣成冰上雪髯跋馬舊城橋上

過須知舊驛是新添

縣故蠻苗地元置新添衛後改為縣牟撫司明為新添衛後改為縣牟

珠洞俗呼母豬洞有寺舊城橋在城西二十里

○龍里縣 元龍甲州又平伐等處蠻夷長官司明為龍里衛 國朝改為縣革小谷龍司

拄杖撻塗署裏餽背籠從古說南州

見貴州通志

兒童襍

負兒童慣一笑何如牛戴牛

黔俗三四歲兒女即背縛一數月小兒於背

○貴陽府

漢牂牁郡唐牂州五代八番宋南寧州元金竹府貴州長官司永樂中建省

假道播州役屬羅孤城屢梗復如何榻前尙有他人

睡自是當年縱寇多

洪武中開貴州築城建石門既以楊氏首先來降不以額徵其

貢賦又聽奢香之懇令保西鄙厥後驛道屢梗播州倡亂水西弄兵貴州不絕如綫我朝定鼎即鋤安

三

氏置大定府繼平諸隴非惟驛道砥平即省會亦安如磐石矣

遺民播越溯殷周禮失何防向野求虎墜龍番今底

定巖中舊甲可曾甬

楚遷宋蔡遺民於南徼爲宋家蔡家苗喪葬尙有古禮虎墜龍

番皆舊土司漢王志從諸葛武侯征蠻貌寢陋軍中呼爲鬼王藏甲以鎮百蠻今藏甲巖在府城南俗呼

鬼王

洞

地近朱提夜嗅銀魚鹽市價計微塵若能望氣知山

溢處處窮巖有州人
市中魚菜皆以銀交易

輕馱峻坂穩如車草際縈迴任疾徐半是養龍池上

種黔中卻少驢非驢
黔馬馱以百六十斤為準養龍坑在府北明時曾產白馬高九

尺長丈餘謂為龍種也

○清鎮縣
元為八番羅甸宣慰司地明為威清衛鎮西衛赫聲威武二所國朝改為縣

一片雲歸一片興
雲歸山在縣城北馬蹄環處未峻增重安

三五

江上無舟楫况有蘭橈到滴澄
滴澄河在縣西楊升菴羅甸曲山周羅甸

國水繞滴澄橋橋下東流水可惜無蘭橈

○安平縣
明平壩衛

區區平壩一危垣全藉神威賊授元尙有盤江關索

廟不將俎豆遍中原
安平縣志明水西矧時關聖現神賊衆遂潰永定州盤江有關

索嶺相傳索為關聖嗣從武侯南征有功土人祠之

○安順府

附郭普定縣唐羅甸國地宋普里部元
普定路明置衛 國朝革長官司入縣

塔山葱鬱駐雄兵都督戎州萬馬屯

府為唐戎州都督府今設提督

統兵

記取武侯舊壁壘掘將銅鼓和蘆笙

苗俗掘得銅鼓即以

為武侯所遺

甚貴重之

蠶織已休誰績麻號寒蟲語雜悲笳羅車杼軸清杉

下初見人收白氎花

黔無桑麻之利乞兒數十為羣
隨營隊跪號府稍出木棉道中

美

見有紡

織者

粟無斗斛錢無陌雀燕鎔銖校不訛魁結箒裙蠻俗

怪權衡偏應極星多

俗惟用秤雖一二錢亦以分兩計

○鎮寧州

唐宋俱羅甸國地元置州
明初屬四川尋改屬貴州

九十九隴鎮寧州羅鬼遺營據上頭通判有官還有

蟹東坡偶為雪堂畱

九十九隴在城北百餘里高峯
山相傳羅鬼弄兵於此 國朝

沈康佐土司以地隸威遠通判州西三里有清泉中
產異蟹東坡山在州東高三十里余館於縣衙官舍
甚高厰適雪花覆
屋圍爐一宿而去

○白水河瀑布 鎮寧西三十里

寺樓相對雪飛團相國臨歧一碣完祇憾惡詩洗不

盡立巖迴馬掉頭看

儀徵阮相國於寺樓尋得瀑布
題日觀瀑處並作記刊置壁間

近爲游人塗抹殊可憎也
寺西爲通滇及興義歧路

三

坡貢驛

白水河西三十里屬永寧州

山查葉老樹無紅見說查城路改東

州舊有查城驛 鐵索橋

空烽壘盡滿山松子拾兒童

明時破水西誘苗至永寧方得鳩巢擒渠自平

隴氏置郎岱廳驛路遂不經永寧
渡鐵索橋矣邑產松子頗似關東

○郎岱廳

柳條脫盡萬絲輕積雪木冰夜放晴休唱蠻雲羅甸

模糊莫辨初時按字教
空去

叮啉即俗廳
西十里

拉邦况未知孰是

何以缺疑
為安

×空二白待攷與志補

曲新新棹契石面城 嶺正午間築節孝科名坊

相望蓋寄籍也楊升菴羅甸

世樹不凋葉空 不放晴此地高
地非復瘴鄉矣

○打鐵嶺 百十里

萬山嶺上建

雄藩茅舍秧田活水喧飛將攀籐拔柵

日應疑漁

父到桃源

廳據山頂四面遠峯環抱西有
拉邦東有叮啉各汎皆極險峻

○田時教百頃 頗沃蓋
有百年矣

○拉邦

百數里

三杯衝雪平原酒百丈牽山壁地船遙望峯頭何所

似行人如蟻路如天

○阿都田

郎岱西五十
里屬安南縣

黃茅怪石盤腸路漏日積雲開眼天幾點人家千樹

杪不知雞犬可能仙

○花貢塘

阿都田西三十里
又十里有花市塘

迎春柳帶早梅斜料得春深爛似霞的的救兵糧正

熟霜前啣雀墜丹砂

救兵糧實如天竹子
味甜可食人以救荒

梓樹角垂苞綴桐啤麻拱把菜生窮山山野火摧蕭

艾畱得籬根長刺楓

刺楓如楓葉大木
有巨刺惡木也

石斛滿墻斂半折射干覆地扇常遮漁陽漫著羣芳

无

譜新句只題白及花

飯條實似青精米香草花如白剪絨新巧更添滕六

雪雕鏤萬樹玉玲瓏

冷飯條彝香草
皆生田塍極多

○半坡塘

老鷹巖東
屬普安廳

鐵爪攀巖血戰多而今百磴走如梭將軍已是從天

降猶道人間下馬坡

明時破橋州皆鍛鐵
為指爪攀險奪隘

○老鷹巖

阿都田西五十里卽斗
郎等驛路險峻爲最

捫參歷井上丹梯俯瞰眞爲兒女啼
山鬼似憐人踟躕故將濃霧迷高低

○白沙關

老鷹巖下

駭雲割斷劍峯攢凍雪篩空糯米團

俗謂雪珠爲糯米

西過

凌郎千百里瓊樓玉宇望高寒

辛

○松歸寺

霜晴泥軟馬蹄知漸覺連山瘦可支
鴉鵲避寒投古刹看他先占向南枝

○庚戌橋

白沙關西五十里鄂西林
相國建以庚戌年成故名

峭壁中開借巨靈危橋虹亘接峯青
佳名似欲儕卯應待詩人著草亭

○大山了塘 庚戌橋
五十里

大山纔了小山來滑笏新泥石徑摧愁殺霧淞天漠
漠松山頭白早時回

○亦資孔驛 大山了塘
西五十里

亦資孔上氣融融亦資孔下雪濛濛 俗以滇為
上黔為下 未必

炎涼真有界端為障斷西南風

○滇南勝境 黔滇
分界

長風忽地下重山亂轍飛塵水石間雙闕半天斜日

麗有人說似玉門關 有武官云滇南
風土頗似西域



曾孫汝繹敬訂

